

Ibhalwe ngu: Edward Hughes

Kwabonakala ngu: Janie Forest; Alastair Paterson

Ifanekiswe ngu: Lyn Doerksen


Itolikwe ngu: Goodwill Sithembiso Gwala

Ikhizwe ngu: Bible for Children
www.M1914.org

©2021 Bible for Children, Inc.


iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.





Ngenkathi uNkulunkulu ekhulula ama-Israyeli eGibhithe, uMose wahola abantu enkonzweni. Wenza iculo lokudumisa. "Ngizakuhlabelela kuJehova, ngokuba uphakeme kakhulu." UMose wahlabelela ngazozonke izimanga ezenziwa uNkulunkulu enzela ama-Israyeli.

HALELUYAH!
UDUMO KUNKULUNKULU!



Emva kwezinsuku ezintathu
ehlane ebantu abanxaniwe
bathola isiphethu samanzi.
Kodwa abakwazanga
ukuwaphuza amanzi
ababayo.



Eskhundleni sokuthandaza,
abantu bakhononda.
UNkulunkulu waye nomusa.
Wenza amanzi ukuba
aphuzeke.





Sengathi abantu babekhononda
ngayoyonke into.

“Sasinokudla eGibhithe. Ehlane sizobulawa indlala,”
besho bekhalaza. Ngalobobusuku uNkulunkulu
wathumela izinyoni ekuthiwa izigwaca. Abantu
bakwazi ukuzibamba kalula.




Ekuseni okulandelayo uNkulunkulu
wathumela imana. Kwakuyinhlobo
yesinkwa esinambithekisa
koju. Njalo ekuseni
kwakugcwele imana
elindelwe ukuqoqwa.


UNkulunkulu
wondla abantu
Bakhe ngalendlela
ehlane.



Kwakumele bethembe uNkulunkulu zonke izinsuku ukuba Abanike ukudla. Kodwa abanye abantu babutha imana eyeqile, yize uNkulunkulu wayethe izobe isibolile ngakusasa.



Nangempela, imana yayizolo yayisigcwele izimpethu - ngaphandle kweSabatha. Ngalolosuku elikhethekile lwesikhombisa abantu baphumula badla imana yayizolo.



UNkulunkulu
wawanakekela
ama-Israyeli
ehlane. Wabanika
ukudla kanye
namanzi - futhi
wabavikela ezitheni.



Ngenkathi
ama-AMaleki
ehlasela,
i-Israyeli yayihlezi
inqoba uma uMose
uphakamisa induku
kaNkulunkulu.





UNkulunkulu wathi kuma-Israyeli, "Uma nithobela izwi lami nizoba abantu Bami abakhethiwe." "Konke okushiwo uNkulunkulu, sizokwenza," abantu betshela uMose. Bafika ekuqaleni kwentaba yaseSinayi balinda uMose ngenkathi eyokhuluma noNkulunkulu.





UMose waye
kanye
noNkulunkulu
entabeni
izinsuku
eziyamashumi
amane.
UNkulunkulu
wabhala
Imiyalo...





...Yeshumi
ezezwini
lamatshe.
Watshela
uMose ukuba
ufisa abantu
Bakhe bephile
kanjani.



1. "Ungabi nabanye
oNkulunkulu
ngaphandle
kwami."

2. "Ungazezeli
izithombe
ezibaziweyo.
Ungazikhothameli
futhi ungazikhonzi."

3. "Ungaliphathi
ngeze igama
likaJehova."

4. "Khumbula
usuku lweSabatha,
ulungcwelise."

5. "Hlonipha
uyihlo nonyoko."



6. "Ungabulali."


7. "Ungaphingi."

8. "Ungebi."

9. "Ungafakazi
amanga."


10. "Ungafisi indlu
yomakhelwane
wakho."





Ngenkathi uMose
enoNkulunkulu entabeni
yaseSinayi ama-Israyeli
enza into embi kabi.
Bayala u-Aroni ukube
akhe umfanekiso
wegolide oyinkonyane -
bawukhonza
esikhundleni
sikaNkulunkulu.
UNkulunkulu
wayethukuthele kabi.
Kanye noMose.





Ngenkathi uMose
ebona inkonyane
nabantu belidansela,
washaya phansi
amacezu amatshe
aphuka.
Ngokuthukuthela
uMose wabulala
umfanekiso wegolide.
Wabulala nalaba
ababewukhonza.



Esikhundleni samatshe
uNkulunkulu wayala uMose
ukuba akhe iTabernakele -
itende elibiyelwe ngocingo
olukhulu - lapho uNkulunkulu
wayezakuhlala nabantu
Bakhe. Kwakumele bekhonze
uNkulunkulu khona. Insika
yamafu kanye nomlilo
Kwakuwuphawu
lokuthi
uNkulunkulu
unabo.



Ngenkathi besondela ezweni laseKhanani, uMose wathumela izinhloli eziyishumi nambili ukuba ziyogalaza umhlaba owawuthembiswe uNkulunkulu kubantu Bakhe.




Zonke izinhloli zavumelana ukuba konke kwakukuhle!
Kodwa ezimbili kuphela ezazikholwa ukuthi
babezobangoba abantu bakhona ngosizo
likaNkulunkulu.




Lezi ezinye izinhlole eziyishumi
zazilisaba idolobha
elalinamandla kanye
nesizwe esasinabantu
abakhulu.

“Angeke
siwuthathe
lomhlaba,”

besho
bekhononda.
Babesebekhohliwe
zonke lezizimanga
ezenziwa uNkulunkulu
ukubakhulula eGibhithe.



Abantu balandela izinhloli eziyishumi
ezazingakholwa. Bakhala abantu balungisela
ukubuyela eGibhithe. Bazama nokubulala uMose!



UNkulunkulu wasindisa impilo kaMose. Bese watshela abantu ukuthi, "Eminyaka eyamashumi amane nizakuntanta ehlane. UKalebi, uJoshuwa kanye nabantwana benu abayophila bangene kulesizwe nina enisixwayayo."



Iminyaka Eyamashumi Amane

Indaba evela kwiZwi laNkulunkulu, iBhayibheli,

Itholakala

Eksodusi 15, kuya kuNumeri 14

“Ukwambulwa kwaMazwi Akho kuyakhanyisa.”
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

